

Mwa 12/08/2020

## EPAI YA MASANGÁ NYONSO

Elobeli: Makundoli etali maladi mabe ya Coronavirus

Bandeko,

Ndenge bozali komona yango na mokili mobimba, ata mpe na mboka na biso, bakonzi mingi ya Leta bazali kolongola mokemoke bipekiseli oyo etyamaki mpo na maladi ya Coronavirus. Yango elakisi te ete maladi yango esili. Kutu, motango ya bato oyo bazali kozwa maladi yango ezali se kobakisama. Na yango, etamboli na biso ya mokolo na mokolo esengeli komonisa ete tozali kobatela na makanisi na biso ete Yehova azwaka bomoi na motuya mingi mpenza (Nzembo 36:9).

Na bisika mingi na mokili, ezali komonana ete kaka soki Leta alongoli bipekiseli oyo etyamaki mpo na maladi ya Coronavirus, bato mingi bazali kozwa maladi yango. Likambo yango ezali kotinda bakonzi ya Leta bazongisa bipekiseli yango. Makambo ezali kosalema bongo mpo mbala mingi soki balongoli bipekiseli, bato mingi bazali lisusu kotya likebi te na botosi ya malako mpo na komibatela oyo eyebisamaki. Mpo na ntina yango, biso tosengeli kokoba kozala ekenge mpe na bwanya (Masese 22:3). Liloba ya Nzambe, Biblia, epesi biso likebisi oyo: “Moto nyonso oyo azangi mayele andimaka liloba nyonso, kasi moto ya ekenge atyaka likebi na matambe na ye. Moto ya bwanya abangaka mpe alongwaka na mabe, kasi zoba akómaka na nkanda makasi mpe amityelaka motema.” (Masese 14:15, 16).

Na yango, lokola tozalaka na bolingo mpo na bazalani na biso mpe tozwaka bomoi na motuya mingi, tosengeli kokoba kotosa malako oyo epesamaki mpo na komibatela na maladi ya Coronavirus. (Mosakoli 7:12). Mokonzi ya libota mokomoko akoluka koyeba nini ebongi mpo na libota na ye (Bagalatia 6:5). Makambo ezalaka ndenge moko te na mabota to na bisika nyonso. Na yango, ekateli oyo ekoki komonana malamumu mpo na libota moko ekozala mbala mosusu malamumu te mpo na libota mosusu mpe ekateli oyo ekobimisa likama te esika moko ekoki kozala likamá esika mosusu. Soki bozwi ekateli ya kobima, bosengeli kotosa malako oyo elandi oyo etali bopeto mpe komibatela:

- Esengeli kosukolaka maboko mbala na mbala na sabuni mpe na mai
- Esengeli kozalaka mwa mosika na bato mosusu
- Esengeli kolata maske
- Esengeli koboya kozala penepene na mibange to bato mosusu oyo babelaka mpo bakoki kozwa maladi yango noki
- Esengeli kotikala na ndako mpe koluka lisalisi ya monganga soki ozali na bilembo oyo: kosukosu, *fièvre* mpe *rhume*.

Mpo na oyo etali lisangá, tolingi kokundwela bino bibongiseli oyo esilaki kozwama mpo na masangá nyonso:

- Bandako ya Bokonzi ekofungolama naino te.

Elobeli: Makundoli etali maladi mabe ya Coronavirus

## Lokasa 2

- Mpo na makita, mikanda oyo etindamaki elendisaki masangá ete esalaka makita na video, na ndakisa na lisalisi ya Zoom. Soki likoki ezali te ya kosala makita na Zoom, ekoki kosalema na mabota. Masangá ekokoba kolanda malako yango tii ntango Betele ekopesa malako mosusu.
- Tolingi kolendisa bino bokoba kopesa litatoli mpe koyekola na bato Biblia na nzela ya telefone, mikanda, bamessage, video, WhatsApp to na nzela mosusu. **Nzokande, tosenge bino bokende te kosala bozongeli to koyekola Biblia na bato mosusu oyo bazali te bato ya libota na bino tii ntango bokozwa malako mosusu ya Betele.** Toyebi ete kotosa malako oyo ekoki kokitisa makasi mpenza mosala ya kosakola ya basakoli mosusu. Nzokande, boyeba ete Yehova ayebi malamuni mpenza ete makambo oyo ezali lelo na mokili ekopesa bino te nzela ya kosakola na ndenge esengeli. Na yango, akosepela na moke oyo bokoki kokoba kosala na molimo na bino mobimba (Marko 12:41-44; Kol. 3:23, 24).

Tozali kokoba kobondela Yehova, mopesi bomoi, akoba kobatela bampate na ye oyo azwaka na motuya mpenza na eleko oyo ya mpasi. Boyeba ete tolingaka bino mingi. Totindeli bino mbote na biso ya bolingo.

Bandeko na bino,

*Association*  
*“Les Témoins de Jéhovah”*

P.-S: Mpo na bankulutu:

Mpo na koyeba malako mosusu etali maladi mabe ya Coronavirus, botala paragafe 8, 15 mpe 24 ya formilere *Malako mpo na bankulutu na ntina etali maladi ya Coronavirus.*